

**COVID-19: Lonjakan dua minggu selepas Hari Raya, 7,478 kes baharu dan 63 kematian**  
**Astro Awani**  
**26 Mei 2021**  
**Hilmi Malik**

KUALA LUMPUR: Malaysia sekali lagi mencatat kes positif COVID-19 baharu tertinggi dengan 7,478 kes direkodkan sepanjang 24 jam lalu, menjadikan jumlah keseluruhan kes kini kepada 533,367 kes.

Menurut Ketua Pengarah Kesihatan, Tan Sri Dr Noor Hisham Abdullah, Selangor terus mencatatkan jumlah kes tertinggi dengan 2,455 kes, diikuti Wilayah Persekutuan Kuala Lumpur dengan 760 kes dan negeri Sarawak dengan 640 kes.

Lonjakan adalah selepas dua minggu negara meraikan sambutan Hari Raya Aidilfitri pada 13Mei lalu.

Berikut merupakan pecahan kes mengikut negeri:

Selangor - 2,455

Sabah - 229

Johor - 587

WPKL - 760

Sarawak - 640

Pulau Pinang - 420

Kelantan - 547

Negeri Sembilan - 370

Perak - 264

Kedah - 542

Melaka - 230

Pahang - 171

Terengganu - 177

WP Labuan - 49

WP Putrajaya - 29

Perlis - 8

Dr Noor Hisham berkata, daripada jumlah kes baharu yang dilaporkan, terdapat lima kes import dilaporkan menerima jangkitan dari luar negara.

“Kes aktif dengan kebolehjangkitan COVID-19 telah menjadi sebanyak 66,478 kes,” katanya.

Mengulas mengenai kes kematian, terdapat pertambahan sebanyak 63 kes kematian baharu menjadikan jumlah kumulatif kini sebanyak 2,432 kes.

Setakat ini, sebanyak 756 kes sedang menerima rawatan di Unit Rawatan Rapi (ICU) dan daripada jumlah itu, 377 kes memerlukan bantuan pernafasan.

Kes sembuh mencatatkan pertambahan sebanyak 4,665 kes dan keseluruhan kes sembuh kini adalah sebanyak 464,727 kes.

**© 2021 Astro AWANI Network Sdn. Bhd. (535275-D) All Rights Reserved.**  
Source: <https://www.astroawani.com/berita-malaysia/covid19-lonjakan-dua-minggu-selepas-hari- raya-7478-kes-baharu-dan-63-kematian-299954>